

was die Glacianer / Osiandristen / Synergisten / Aninomer vnd andere schwermen. Denn solche widerwertige meinung vnd Lehren / als welche mit der Augspurg. Confession schnur stracks streiten / lengest außgesetzt / von den vnserigen / mit rechtem Ernst vnd Eiffer verworffen vnd verdammet worden: Also das es ein grobes Stück ist an Herrn Johann von Münster / er fürgeben darff / Solche Irthumb alle miteinander werden von vns mit der Confession verglichen / etc.

pag. 22.

Aber es haben die Calvinisten solche vnart von den Papisten gelernet / welche gleichesfalls / so oft sie wider die Augsp. Confession vnd dero Bekenner schreiben / gemeiniglich mit Widertäufern / Schwencsfeldern / Zwinglianer / Calvinisten / Glacianern / vnd andern dergleichen zuwerffen / da sie doch wol wissen / vnd in irem Herzen vber vnd vberzeuget sind / das sie der sachen zu viel thun / vnd solche vnd andere Schwermer nicht für der Augsp. Confession zugehane zuhalten.

Wie nun aber dem H. Augustino / vnd andern so es in der Lehre mit ihme gehalten / mit keinem fueg hat können zugemessen werden / was die Arianer / Donatisten / Manicheer / Nestorianer / Eutychaner / Sabellianer /

ner /